

素問病機氣宜保命集卷下

河間處士

劉完素守真述

明新安

吳勉學師古

校

欬論第二十一

論曰欬謂無痰而有聲肺氣傷而不清也嗽是無聲而有痰脾濕動而爲痰也欬嗽謂有痰而有聲蓋因傷於肺氣動於脾濕欬而爲嗽也脾濕者秋傷於濕積于脾也故內經曰秋傷於濕冬必欬嗽大抵素秋之氣宜清湏反動之氣必上衝而爲欬甚則動于脾

濕發而爲痰焉是知脾無留濕雖傷肺氣而不爲痰  
也有痰寒少而熱多故欬嗽者非專主于肺而爲病  
以肺主皮毛而司于外故風寒先能傷之也內經曰  
五臟六府皆能令人欬非獨肺也各以其時主之而  
受病焉非其時各傳而與之也所病不等寒暑燥濕  
風火六氣皆令人欬唯濕病痰飲入胃留之而不行  
止入于肺則爲欬嗽假令濕在于心經胃之熱痰濕  
在脾經胃之風痰濕在肺經謂之氣痰濕在腎經謂  
之寒痰所治不同宜隨證而治之若欬而無痰者以  
辛甘潤其肺故欬嗽者治痰爲先治痰者下氣爲上

是以南星半夏勝其痰而欬嗽自愈枳殼陳皮利其  
氣而痰自下痰而能食者大承氣湯微下之少利爲  
度痰而不能食者厚朴湯治之夏月嗽而發熱者謂  
之熱痰嗽小柴胡四兩加石膏一兩知母半兩用之  
冬月嗽而發寒熱謂之寒嗽小青龍加杏仁服之然  
此爲大例更當隨證隨時加減之量其虛實此治法  
之大體也

蜜煎生薑湯

蜜煎橘皮湯

燒生薑糊桃

此者皆治無痰而嗽者當以辛甘潤其肺故也如但  
使青陳皮藥皆當去白本草云陳皮味辛理上氣

去痰氣滯塞青皮味苦理下氣二味俱用散三焦之氣也故聖濟云陳皮去痰穢不除即生痰麻黃發汗節不去而止汗

治風痰熱咳嗽其脉弦面青四肢滿悶便溺秘澁心多燥怒水煮金花丸

南星

半夏 各一兩 生用

天麻 五錢

雄黃 二錢

白麵 三兩

寒水石 一兩 燒存性

右為細末滴水為丸每服五七十丸至百丸煎漿

水沸下藥煮令沸浮為度漉出淡漿水浸另用生薑

湯下或通聖加半夏及局方中川芎丸防風丸皆

可用也

小黃丸治熱痰欬嗽脉洪面赤煩熱心痛唇口乾燥  
多喜笑宜小黃丸

南星 湯洗

半夏 各一兩洗

黃芩 一兩半

右為細末生薑汁浸蒸餅為桐子大每服五十丸  
至七十丸食後薑湯下及小柴胡湯中加半夏亦

可

白朮丸治痰濕欬嗽脉緩面黃支體沉重嗜臥不收  
腹脹而食不消化宜白朮丸

南星

半夏

俱湯洗各一兩

白朮

一兩半

右爲細末糊爲丸桐子大每服五七十九生薑湯下及局方中防已丸亦可用

玉粉丸治氣痰欬嗽脈澁面白上喘氣促洒淅惡寒愁不樂宜服之

南星

半夏

俱洗各二兩

官桂

去皮一兩

右爲細末薄糊爲丸如桐子大每服五七十九生薑湯下食後及局方中防已丸亦可玉粉丸加減在後心下否者加枳實伍錢身熱甚者加黃連五錢體重者加茯苓一兩氣上逆者加苦亭薤五錢氣促者加人參桔梗各五錢浮腫者加郁李仁杏仁

各伍錢大便秘者加大黃五錢

雙玉散治痰熱而喘痰湧如泉

寒水石

石膏

各等分

右為細末煎人參湯調下三錢食後服

治痰干縉湯

半夏

生末  
一兩

大皂角

去皮子  
半兩到

右同於絹袋中盛之用水三升生薑七大片同煎  
至一半以手操洗之取清汁分作三服食後併服

二服効

防風丸治痰嗽胃中氣不清利者

相承丸亦妙

防風

兩半

枳殼

半兩去穢炒

白朮

兩

右細末燒餅為丸每服五七十九丸生薑湯下

天麻丸

天麻

兩一

半夏

南星

各兩

雄黃

少許

右以白麵二兩滴水為丸如桐子大每服五十九丸

至百丸煎淡水令沸下藥煮十餘沸漉出食前生

薑湯下

利鬲丸主膏中不利痰嗽喘促利脾胃壅滯調秘瀉藏推陳致新消進飲食治利鬲氣之勝藥也

木香

一錢半

檳榔

一錢半

人參

三錢

當歸

二錢



藿香

一錢半

大黃

酒浸焙一兩

厚朴

薑制三兩

枳實

一兩炒

甘草

三錢炙

右爲細末滴水和丸如桐子大每服三五丸食

後諸飲皆下

欬氣丸 治久嗽痰喘肺氣浮腫

青皮

去白

陳皮

去白

檳榔

木香

杏仁

去皮尖

郁李仁

去皮

茯苓

澤瀉

當歸

茂

炮

馬兜零

苦亭麩

已上各三兩

人參

防已

各五錢

牽牛

取明末一兩

右爲細末生薑汁麵糊爲丸如梧子大每服一二

十丸加至五七十九丸生薑湯下食後服

玉粉丸治痰結咽喉不利語音不出

半夏洗五錢

草烏一字炒

桂一字多

右同為末生薑汁浸蒸餅為丸如雞頭大每服一

丸至夜含化多歲不愈者亦効

枳殼湯治久痰胃膈不利者多上焦發熱

枳殼麩炒去穰三兩

桔梗三兩

黃芩一兩半

右同剉每日早用二兩半水三盞煎至一盞分作

三服午時一服申時一服臨臥時一服三日七兩

半藥盡服生半夏湯

生半夏湯

半夏

不以多少洗七遍切作片子

右每服秤三錢水一盞半入生薑五大片同煎至一盞和滓食後服一日三二服服三日畢再服枳木丸盡其痰為度論曰先消胸中氣後去膈上痰再服枳木丸謂首尾合盡消其氣謂令痰不復作也

清鎮丸治熱嗽

小柴胡湯內加人參一倍

青黛兩半

右為細末麵糊丸如桐子大每服五十九生薑湯

下

半夏丸治因傷風而痰作喘逆兀兀欲吐惡心欲倒已吐加檳榔三錢

半夏

洗切 一兩湯

雄黃

研三錢

右同為末生薑汁浸蒸餅為丸桐子大每服三十丸生薑湯下小兒丸如黍米大

白木散治夏暑大熱或醉飲冷痰濕不止膈不利

白朮

茯苓

半夏

洗

黃芩

各等分

右為麤末每服五錢至七錢水二盞入生薑十片煎至一盞去滓調陳皮末一錢神麴末一錢食後服

法曰大熱大飲蓋酒味熱而引飲冷冷與熱相  
中不散而成濕故痰作矣甚者宜吐之吐後服五苓  
甘露勝濕去痰之劑

白朮湯治痰潮上如湧泉久不可治者

白朮

白茯苓

半夏等分

右爲末每服半兩病大者一兩水二盞生薑七片  
煎至一盞取清調神麴末二錢頓服之病甚者下  
玉壺丸一百丸大効永除根

六門冬丸治婦人喘手足煩熱骨蒸寢汗口乾引飲

白目浮腫

天門冬

十兩去心秤

麥門冬

去心八兩

生地黃

三斤取汁為膏子

右二味為末膏子和丸如梧子大每服五十丸煎  
逍遙散送逍遙散中去甘草加人參或服聖氏博  
濟方中人參荊芥散亦可如面腫不已經日面腫  
曰風故宜汗麻黃桂枝可發其汗後服柴胡飲子  
去大黃故論曰治藏者治其俞治府者治其合浮  
腫者治其經治俞者治其土也治合者亦治其土  
也如兵家圍魏救趙之法也

虛損論第二十一

論曰虛損之疾寒熱因虛而感也感寒則損陽虛

則陰盛損自上而下治之宜以辛甘淡過于胃則不可治也感熱則損陰陰虛則陽盛故損自下而上治之宜以苦酸鹹過于脾則不可治也自上而損者一損于肺皮聚而毛落二損損于心血脈虛少不能榮于藏府婦人月水不通三損損于胃飲食不爲肌膚自下而損者一損于腎骨痿不能起于床二損損于肝筋緩不能自收持三損損于脾飲食不能消尅論曰心肺損而色蔽腎肝損而形痿穀不能化而脾損感此病者皆損之病也漸漬之深皆虛勞之疾也四君子湯治肺損而皮聚毛落益氣可也

白朮

人參

黃耆

茯苓

各等分

右為麤末每服五六錢七錢水一盞煎至七分去滓食遠溫服

八物湯治心肺虛損皮聚而毛落血脈虛損婦人月水愆期宜益氣和血

白朮

人參

黃耆

茯苓

川芎

熟地黃

當歸

芍藥

各等分

右麤末服五七錢水一盞煎至七分去滓食後溫服

服

全散治心肺損及胃飲食不為肌膚宜益氣和血



說飲食

白朮

人參

黃耆

伏神

桂枝

熟地黃

當歸

川芎

芍藥

甘草等分

右為末加生薑棗同煎水一大盞藥五錢煎至七

分食前日三服

金剛丸治腎損骨痠不能起于床宜益精

萆薢

杜仲炒去絲

菝葜酒浸

兔絲子酒浸等分

右為細末酒煮猪腰子為丸每服五七十九丸空心

酒下

牛膝丸治腎肝損骨痿不能起于床筋緩不能收持  
宜益精緩中

牛膝酒浸

草薺

杜仲絲炒去

菴蓉酒浸

防風

兔絲子酒浸

白疾藜各等分

桂枝咸半

右細末酒煮猪腰子搗丸桐子大空心酒下五七  
十九

煨腎丸治腎肝損及脾損穀不化宜益精緩中消穀

牛膝酒浸

草薺

杜仲

菴蓉

兔絲子

防風

白疾藜

胡蘆

破故紙等分

桂半錢

右和劑服餌如金剛丸法腰痛不起者甚効

黑地黃丸加五味子名腎氣丸治陽盛陰虛脾腎不

足房室虛損形瘦無力面多青黃而無常色宜此藥

養血益腎

蒼朮

一斤米  
泔浸

熟地黃

一斤

川薑

冬一兩夏五  
錢春七錢

五味子

斤半

右爲細末棗肉爲丸如梧子大每服一百丸至二

百丸食前米飲下或酒治血虛久痔甚効經曰腎

苦燥急食辛以潤之開腠理致津液通氣五味子

味酸故酸以收之此雖陽盛不燥熱乃是五藏虛

損於內故可益血收氣也此藥類象神品藥也  
治陽虛陰盛心肺不足宜八味丸若形體瘦弱無力  
多困未知陰陽先損夏月地黃丸春秋宜腎氣丸冬  
月宜八味丸

消渴論第二十三

論曰消渴之疾三焦受病也有上消中消腎消上消  
者上焦受病又謂之鬲消病也多飲水而少食大便  
如常或小便清利知其燥在上焦也治宜流濕潤燥  
中消者胃也渴而飲食多小便黃經曰熱能消穀知  
熱在中法云宜下之至不欲飲食則愈腎消者病在

下焦初發爲膏淋下如膏油之狀至病成而面色  
黑形瘦而耳焦小便濁而有脂治法宜養血以肅清  
分其清濁而自愈也法曰燥上而渴辛甘而祛用潤  
肺故可用蜜煎生薑湯大器頓之時時呷之法云心  
肺之病莫厭頰而少飲內經云補上治宜以緩又曰  
辛以潤之開腠致津液通則肺氣下流故氣下火降  
而燥衰矣其渴乃止又經曰二陽結爲消王注曰二  
陽結於胃及大腸俱熱也腸胃藏熱則善消水穀可  
甘辛降火之劑黃連末一斤生地黃自然汁白蓮花  
藕自然汁牛乳汁各一斤熬成膏子劑黃連末爲丸如

梧桐子大每服三十丸少呷溫水送下日進十服渴病立止

治上焦鬲消而不欲多食小便清利宜小柴胡湯或加白虎湯或錢氏中地骨皮散內加芍藥黃耆石膏黃芩桔梗之類是也

人參石膏湯治鬲消上焦煩渴不欲多食

人參兩半

石膏一兩一錢

知母七錢

甘草四錢

右為麤末每服五錢至七錢水煎食後溫服

順氣散治消中熱在胃而能食小便赤黃微利之為効不可多利服此藥漸漸利之不欲多食則愈

厚朴薑制一兩

大黃四兩

枳實二錢炒

右剉每服五錢水煎食遠服

茴香散治腎消病下焦初證小便如膏油

茴香炒

苦練炒

右細末酒調二錢食前服

八味丸治腎消大病加減法

本方內倍加山藥外桂附從四時加減假令方內

桂附一二兩春各用三錢夏用一錢秋用五錢冬全

用一兩

珍珠粉丸治白淫夢泄遺精及滑出而不收

黃栢一斤 於新瓦上燒令通赤為度 真蛤粉一斤

右為細末滴水丸如桐子大每服一百丸空心酒下法曰盛陽乘陽故精泄也黃栢降火蛤粉鹹而補腎陰也又治思想無窮所願不得之證

竹籠散治消渴

五靈脂 黑豆 去皮

右等為細末每服三錢冬瓜湯調下無冬瓜苗葉皆可日二服小渴二三服効渴定不可服熱藥唯服八味丸去附子加五味子

腫脹論第二十四 小兒附



靈樞脹論云帝問岐伯脹形何如岐伯曰夫心脹者  
煩心氣短臥不安肺脹者虛滿而喘欬肝脹者脇下  
滿而痛引少腹脾脹者善噦四肢煩惋體重不能勝  
衣臥不安腎脹者引背央央然腰髀痛六腑脹胃脹  
者腹滿胃脘痛鼻聞焦臭妨于食大便難大腸脹者  
腸鳴痛而濯濯冬日重於寒則殮泄食不化小腸脹  
者小腹臘滿引腰而痛膀胱脹者少腹氣滿而氣癢  
三焦脹者氣滿于皮膚中硃硃然而不堅膽脹者脇  
下痛脹口苦善太息又水脹篇云帝問岐伯水脹何  
如荅曰水始起也目窠上微腫如新臥起之狀其頸

脈動欬陰股間寒足脛腫腹乃大其水已成矣以手  
按其腹隨手而起如裹水之狀此其候也帝曰膚脹  
何如岐伯曰膚者寒氣客于皮中鼓空空然不堅腹  
身大盡腫皮厚按其腹窅而不起腹色不變此其候  
也鼓脹何如荅曰腹脹身皆大大與膚脹等也色蒼  
黃腹筋起此其候也腸覃何如荅曰寒氣客于腸外  
與衛相搏氣不得榮因有所繫癖而內着惡氣乃起  
癰肉生其始大也大如雞子稍以益大至其成如懷  
子狀者離歲按之則堅推之則移月事不以時下此  
其候也石瘕何如荅曰石瘕生于胞中寒氣客于子

門閉塞氣不通惡血當瀉不瀉因以留止以益大狀如  
懷子月事不時皆生于女子可導而下帝曰膚脹鼓  
脹可刺邪曰先瀉其脹之血絡復調其經刺去其血  
絡也

經云平治權衡去菟陳剗開鬼門潔淨府平治權衡  
者察脉之浮沉也去菟陳葯者踈滌腸胃也開鬼門  
潔淨府者發汗利小便也又鼓脹之病治以雞屎醴  
名醫云其腫有短氣不得臥爲心水兩脇痛爲肝水  
大便鴨溏爲肺水四肢皆種爲脾水腰痛足冷爲腎  
水口苦咽乾爲膽水乍虛乍實爲大腸水各隨其經

絡分其內外審其脉證而別之大有風水皮水石水黃汗歸各藏以論之風合歸肝皮合歸肺黃汗歸脾石合歸腎風水脉浮必惡風皮水脉亦浮按下沒指石水脉沉腹滿不喘黃汗脉沉遲發熱而多涎久而不愈必致癰膿水腫脉浮帶數卽是虛寒潛止其間久必沉伏沉伏則陽虛陰實爲水必矣要知水脉必沉是也論曰脉出者死與病不相應也諸唇黑則傷肝缺盆盈平則傷心臍出則傷脾足平則傷腎背平則傷肺此五者必不可療也治法云腰以上宜發汗腰以下利小便錢氏論虛實腹脹實則不因吐瀉又

病之後亦不因下利脹而喘急悶亂更有痰有熱及  
有宿食不化而脹者宜服大黃丸白餅子紫霜丸下  
之更詳認大小便如俱不通先利小便後利大便虛  
則久病吐瀉後其脉微細肺主目胞腮虛腫手足冷  
當先服塌氣丸後服異功散及和中丸益黃散溫其  
氣 因于氣腫者橘皮煎丸 因于濕爲腫煎防已  
黃耆湯調五苓散 因于熱爲腫者服八正散  
又一法燥熱於肺爲腫者乃絕水之源也當清肺除  
燥水自空矣于豉梔湯中加黃芩如熱在下焦陰消  
使氣不得化者當益陰則陽氣自化也黃蘗黃連是

也

五脉論五水灸法

青水灸肝井 赤水灸心榮 黃水灸脾俞 白水

灸肺經 黑水灸腎合

婦人蠱脹無脉燒青丸 五皮散亦是

論諸蠱脹者有二腫若從胃則旦食而不能夜食且  
則不脹夜則脹是也若水腫證濡泄者是也內經曰  
蠱脹之病治以雞屎醴酒調服水脹之病當開鬼門  
潔淨府也

白茯苓湯名變水

白茯苓

澤瀉

各二兩

郁李仁

二錢

右咬咀作一服水一椀煎至一半常服無時從  
至多服或煎得澄入生薑自然汁在內和麵或做  
粥餅作常食五七日後覺脹下再中以白朮散

白朮

澤瀉

各半兩

石為細末每服三錢煎茯苓湯調下或丸亦可服三

丸

末治之藥服黃耆芍藥建中之類以調養之平復後  
忌房室猪魚塩麵等物

治水氣蠱脹潔淨府楮實子丸

楮實子

一斗水二斗  
熬成膏子

白丁香

一兩半

茯苓

三兩  
去皮

右三味爲細末用楮實膏爲丸如桐子大不計丸數從少至多服至小便清利及腹脹減爲度後服中治藥末治藥調養藥疏啓其中忌甘苦酸補其下五補七宣

取穴法

治腫治其經治金火也并榮俞經陰經金也金木水火陽經火也  
治腫木香散

木香

大戟

白牽牛

各等分



右爲細末每用三錢猪腰子一對批開搽藥在內  
燒熟空心服之如左則塌左右則塌右如水腫不  
能全去於腹上塗甘遂末在透臍滿腹少飲甘草  
水其腫便去也

### 治水腫

螻蛄去頭尾與葡萄心同研露七日曝乾爲細末  
淡酒調下暑月濕用尤佳

### 又方

棗一斗鍋內入水上有四指用大戟并根苗蓋之  
遍盆合之煮熟爲度去大戟不用旋旋喫無時盡

棗決愈神効

眼目論第二十五

論曰眼之爲病在府則爲表當除風散熱在藏則爲裏宜養血安神暴發者爲表而易治久病者在裏而難愈除風散熱者瀉青丸主之養血安神者定志丸婦人熟乾地黄丸是也或有體肥氣盛風熱上行目昏澁者槐子散主之此由胸中氣濁上行也重則爲痰厥亦能損日常使胸中氣清無此病也又有因目疾服藥多而損氣者久之眼漸昏弱乍明乍暗不欲視物此目少血之驗也熟乾地黄丸消風散定志丸

相須而養之或有視物不明見黑花者此謂之腎氣  
弱也宜補腎水駐景丸是也或有暴失明者謂眼居  
諸陽交之會也而陰及閉之此風邪內滿當有不測  
之疾也醫膜者風熱重而有之或癩入眼此肝氣盛  
而發在表也醫膜已生在表明矣當發散而去之反  
踈利則邪氣內搐爲醫則深也邪氣未定謂之熱翳  
而浮邪氣已定謂之冰翳而沉邪氣牢而深者謂之  
陷翳當以熾發之物使其邪氣再動醫膜乃浮輔之  
退翳之藥則能自去也病久者不能速効當以歲月  
除之

治眼赤暴發腫散熱飲子

防風

羌活

黃芩

黃連

各一兩

右剉每服半兩

一盞煎至一盞食後溫服如大

便秘澁加大黃

如痛甚者加當歸地黃如煩

燥不能眠睡

一兩

川芎散治風熱

頭目眩熱腫及胸中不利

川芎

各一兩

右細末三錢

胸中氣滯不利生薑湯調日疾茶

調風熱上攻吐一兩水煎食後服

治眼久病昏澁因發而久不愈地黃湯

防風

羌活

黃芩

黃連

地黃

當歸

人參

茯神各等分

右為麓末每服五七錢水一盞半煎至一盞去滓

溫服食後

槐子散

槐子

黃芩

木賊

蒼木各等分

右細末茶清調下食後

治眼生翳膜及癩入眼焮赤已過者瀉青丸主之當  
半減大黃如大便秘焮氣未定依方服之  
治冰醫久不去者於羊角散主之

羚羊角

升麻

細辛

各等分

甘草

半之

右為細末一半為散一半蜜為丸如桐子大每服五七十九以羚羊角散下之食後臥米泔水煎服治太陽經衛虛血實腫人臉重頭中濕淫膚脉痛肝風盛眼黑腎虛桔梗丸

桔梗

一斤

牽牛

頭末三兩

右二味為末煉蜜為丸如桐子大每服四五十九加至百丸食前溫水下日二服

金絲膏

點眼藥

生薑

四兩取汁

白沙蜜

一斤煉去滓

獐猪膽汁

三錢

黃連

四兩槌用水一斗浸煎取五升

右先煎黃連水後入薑汁次入蜜同煎去沫淨次

入下項藥末

腦子

錢四

麝香

錢三

硃砂

錢四

鵬砂

錢三

輕粉

錢五

熊膽

錢四

青鹽

錢三

右極細攪勻熬令稀膏點用

治眼暴赤發噴痛不可忍者救苦丸

黃連

兩一

當歸

錢二

甘草

錢一

右同剉細新水半椀浸一宿以慢火熬約至一半以綿濾去滓以淨為妙用火再熬作稠膏子為度

攤在枕上倒合以物蓋之用熟艾一大彈子許底  
下燃之用艾煙膏子艾盡為度再入下項藥

朱砂一錢飛

腦子半錢

乳香

沒藥等分

右同研極細入黃連膏內搜和丸如米大每用二  
丸點眼大角內仰面臥藥化則起

治眼發赤腫毒氣侵睛脹痛宣毒散

盆硝

雄黃

乳香

沒藥各等分

右為極細末以小許鼻內嚙之

治眼風毒發腫鼻中欲嚏嚏多大損而生瘡宣風散

川芎

甘菊各一錢

乳香

沒藥各一錢



右和勻再研極細少許鼻內噴之

能遠視不能近視局方中定志丸目能近視不能

遠視萬壽地芝丸

生薑四兩 焙

天門冬四兩 去心

枳殼三兩 去穰炒

甘菊二兩

右為細末煉蜜丸如桐子大茶清或溫酒下一百

丸食後此藥能愈大風熱

洗眼藥

呵子二兩

黃丹四兩

蜜八兩

柳枝四寸

右以河水二椀熬至半椀用一錢熱水化洗之石

器內熬

治眼赤瞎以青塗蛆不以多少淘淨晒乾末之令害  
眼人仰卧合目用藥一錢散在眼上須臾藥行待少  
時去藥赤瞎亦無

治倒睫 無名異末之摻捲在紙中作撚子點着到  
藥處吹殺以烟熏睫目自起

瘡瘍論第二十六

論曰瘡瘍者火之屬須分內外以治其本內經曰膏  
梁之變足生大丁其原在裏發于表也受持如虛言  
內結而發諸外未知從何道而出皆是從虛而出也  
假令太陽經虛從背而出少陽經虛從鬢出陽明經

虛從髀而出督脉經虛從腦而出又經曰地之濕及  
感則害人皮膚筋脉其在外盛則內行若其脉沉實  
當先疎其內以絕其原也其脉浮大當先托裏恐氣  
傷于內也有內外之中者邪氣至甚過絕經絡故發  
癰腫經曰榮氣不從道于肉理乃生癰疽此因失托  
裏及失疎通又失和榮衛也治急之大要須明托裏  
疎通行榮衛三法托裏者治其外之內疎通者治其  
內之外行榮衛者治其中也內之外者其脉沉實發  
熱煩躁外無焮赤痛其邪氣深於內也故先疎通以  
絕其原外之內者其脉浮數焮腫在外形證外顯恐

邪氣極而內行故先托裏內外之中者外無炊惡之  
氣內亦藏府宣通知其在經當和榮衛也用此三法  
之後雖未差必無變證亦可使邪氣峻減而易痊愈  
故經曰諸痛痒瘡瘍皆屬心火又曰知其要者一言  
而終不知其要流散無窮

鍼灸法曰凡瘡瘍可灸刺者須分經絡部分血氣多  
少俞穴遠近若從背而出當從太陽五穴隨證選用  
或刺或灸泄其邪氣 凡太陽多血少氣

至陰

通谷

束骨

崑崙

委中

從鬢而出者當從少陽五穴選用 少陽少血多氣

竅陰

夾谿

臨泣

陽輔

陽陵泉

從髀而出者當從陽明五穴選用

陽明多血少氣

厲兌

內庭

陷谷

衝陽

解谿

從腦而出者初覺腦痛不可忍且欲生瘡也腦者髓之海當灸刺絕骨以泄邪氣髓者合也故脉浮者從太陽經依前選用脉長者從陽明經依前選用脉絃者從少陽經依前選用論曰諸經各有井榮俞經合井主心下滿及瘡色青榮主身熱及瘡赤色俞主體重節痛瘡黃色經主咳嗽寒熱瘡白色合主氣逆而泄瘡黑色隨經病而有此證者或宜灸宜鍼以泄邪

氣經曰邪氣內搖則腫熱宜砭射之也內經曰夫癰  
氣之息者宜以鍼開除之氣勝血聚者宜石而泄之  
王注曰石砭也可以破大癰出膿今以排鍼代之凡  
瘡瘍已覺微謾腫硬皮血不變色脉沉不痛者當外  
灸之引邪氣出而方止如以有膿水者不可灸當刺  
之淺者亦不灸經曰陷者灸之如外微覺木硬而不  
痛者當急灸之是邪氣深陷也淺者不可灸慎之  
諸病瘡瘍如嘔者是濕氣浸于胃也藥中宜倍加白  
朮服之

內踈黃連湯治嘔哕心逆發熱而煩脉沉而實腫硬

木門而皮內不變色根深大病在內藏府秘澁當  
疎利之

黃連

芍藥

當歸

檳榔

木香

黃芩

山梔子

薄荷

桔梗

甘草

已上各一兩連翹二兩

右除檳榔木香二味為細末外並剉每服一兩水

一盞半煎至一盞先喫一二服次每服加大黃一

錢再服加一錢以利為度如有熱證止服黃連湯

大便秘澁加大黃覺無熱證少煎沒藥內托復煎

散時時服之如實無熱及大小便通止服復煎散

稍有熱證却服黃連湯秘則加大黃如此內外皆通榮衛和調則經絡自不遏絕矣

治腫焮于外根槃不深形證在表其脉多浮痛在皮肉邪氣盛則必侵于内急須内托以救其裏也服内托復煎散

地骨皮 黃耆 芍藥 黃芩

白朮 茯苓 人參 柳桂 味淡者

甘草 防已 當歸 已上各二兩 防風 二兩

右咬咀先煎蒼朮一斤用水五升煎至三升去朮滓入前藥十二味再煎至三四盞絞取清汁



四服終日服之又煎蒼朮滓爲湯去滓再依前煎服十二味滓此除濕散鬱熱使胃氣和平如或未已再作半料服之若大便秘及煩熱少服黃連湯如微利及煩熱已過却服復煎散半料如此使榮衛俱行邪氣不能內侵也

治諸瘡瘍藏府已行如痛不可忍者可服當歸黃耆湯并加咸在後

當歸

黃耆

地黃

地骨皮

川芎

芍藥

等分

右咬咀每服一兩水一碗煎至五分去滓溫服如

發熱者加黃芩煩熱不能臥者加梔子如嘔是濕  
氣侵胃也倍加白朮

膏藥方

好芝蔴油

半斤

當歸

半兩

杏仁

四十九個去皮

桃柳枝

各四十九

條長四指

右用桃柳二大枝新綿一葉包藥繫於一枝上內  
油中外一枝攪於鐵器內煎成入黃丹三兩一處  
熬水中滴成不散如珠子為度

治金絲瘡一云紅絲瘤其狀如線或如繩巨細不等  
經所謂丹毒是也但比燦毒不甚廣闊人患此

手有之下行至心則死下有之上行亦然法當於

頭截經而刺之以出血後嚼萍草根塗之立愈

治從高墜下涎潮昏冒此驚恐得也苦杖散

苦杖 不以多少

右細末熱酒調下如產後瘀血不散或聚血皆治

之

治丁瘡奪命散

烏頭尖 附子底 蝎稍 雄黃 各一錢

蜈蚣 對 硃砂 粉霜 輕粉

麝香 乳香 各半錢 信 二錢半 腦子 少許

右爲細末先破瘡出惡血畢以草杖頭用紙帶入于內以深爲妙

治瘡難消不能作膿痛不止木香散

地骨皮

一兩去土皮

木香

兩半

穿山甲

二錢半炙黃

麝香

一字

右爲細末酒調下三錢及小兒斑後生癰米飲調

下効如神

治丁瘡毒氣入腹昏悶不食

紫花地丁

蟬殼

管仲

各半兩

丁香

乳香

各一錢

右細末每服二錢溫酒調下

治惡瘡有死肉者及追膿

白丁香 輕粉 粉霜 雄黃

麝香 各一錢 巴豆 三個 去油

右同研細新篩和作錠子用之

治諸瘡大疼痛不辨肉色謾腫光色名曰附骨癰如

神三生散

露蜂房 蛇退皮 頭髮 洗淨 等分

三味燒灰存性研細酒調三錢

治膀胱移熱干小腸上為口糜好飲酒人多有此疾

當用導赤散五苓散各半兩煎服

素問病機 卷一  
治少陰口瘡半夏散若聲絕不出者是風寒過絕陽氣不伸也

半夏一兩

桂一

草烏頭一

右同煎一盞水分作二服其効如神

治太陰口瘡甘礬散

生甘草十一

白礬一栗

右噙化嚥津

治赤口瘡乳香散

乳香

沒藥各

白礬飛

銅綠少

為細末摻用

諸瘡瘍痛色變紫黑者回瘡金銀花湯 金銀花 二兩

黃菁 四兩 甘草 一兩 右三味剉細酒一升入瓶內閉

口重湯內煮三二時取出去滓放溫服之

諸瘡腫已破未破癩腫甚當歸散主之 當歸黃菁

括婁木香黃連 各等 右為粗末煎兩如痛與便秘加黃 三錢

乳香散 治瘡口痛大者 寒水石 燒一兩 滑石 一兩

乳香 沒藥 各五分 腦子 少許

右各研細同和勻少摻瘡口上

雄黃散 治諸瘡有惡肉不能去者 雄黃 一錢

巴豆 一箇去皮研 右二味同研如泥入乳香沒藥少許再研

細少上惡肉自去也

木香散 治瘡口久不斂

木香

檳榔 各一錢

黃連 二錢

右為細末摻上如痛加當歸一錢貼之自斂

又方 小椒

去炒黑色一錢另研

定粉 一兩

風化灰 五錢

白礬 二錢半非過

乳香

沒藥 各一錢

右為細末摻瘡口上

鍼頭炭

治瘡瘍焮腫木硬

礬酥

麝香

各一錢

各同研極細以見乳汁調和泥入合磁內盛乾

不妨每月以唾津調撥少許於腫處更以膏

傅之毒氣自出不能為瘡雖有瘡亦輕



治白口瘡沒藥散

沒藥

乳香

雄黃各一錢

輕粉半錢

巴豆霜

許少

右細末乾摻

癩癧論第二十七

夫癩癧者經所謂結核是也或在耳前後連及頤頷下連缺盆皆為癩癧或在胸及胸之側下連兩脇皆為馬刀手足少陽主之此經多氣少血故多堅而少軟膿白而稀如泔水狀治者求水清可也如癩癧生去別經臨時於銅人內隨其所屬經絡部分對證之

穴灸之并依經內藥用之獨形而小者為結核續數  
連結者為瘰癧形表如蛤者為馬刀

治馬刀連翹湯

連翹

二斤

藶麥

一斤

大黃

三兩

甘草

一兩

右咬咀一兩水兩碗煎至一盞半早食後已時服  
在項兩邊是屬少陽經服藥十餘日後可於臨泣  
穴灸二七壯服藥不可住了至六十日決効有一  
方加大黃不用甘草更加貝母五兩雄黃七分檳  
榔半兩同未熱水調下三五錢

治瘰癧文武膏

桑椹也

文武實 二十黑 孰者

右以布袋取汁銀石器中熬成薄膏白湯點一服

日三服

痔疾論第二十八

論曰手陽明大腸名曰害蜚 蜚虫也 六元正紀論陽明

又曰司殺府 手陽明屬金 大腸名害蜚謂金能害五虫又

曰司殺府謂金主殺既有此二名何以自生虫蓋謂

三焦相火盛而能制陽明金故木來相侮內經曰侮

謂勝已也木主生五虫叔和云氣主生于脾藏傍大

腸疼痛陣難當漸覺稍瀉三焦熱莫謾多方立紀綱

此言飲酒多食熱物脾生大熱而助三焦氣盛火能  
生土也當瀉三焦火熱退使金得氣而反制木木受  
制則五虫不生病自愈矣

蒼木澤瀉丸

蒼木

四兩  
去皮

澤瀉

二兩

枳實

二兩

地榆

一兩

皂子

二兩燒  
存性

右為細末燒飯為丸桐子大每服三十九食前酒

或米飲下

又方

川烏

炮

古石灰

等分

依前丸服

淋洗藥

天仙子

荊芥

小椒

蔓荊子

等分

右以水煎洗

黑地黃丸治痔之聖藥也在虛損門下有方

婦人胎產論第二十九

論曰婦人童幼天癸未行之間皆屬少陰天癸既行皆從厥陰論之天癸已絕乃屬太陰經也治胎產之病從厥陰經者是祖生化之源也厥陰與少陽相為表裏故治法無犯胃氣及上二焦為三禁不可汗不可下不可利小便發汗者同傷寒下早之證利大便

則脉數而已動于脾利小便則內亡津液胃中枯燥  
製藥之法能不犯三禁則榮衛自和榮衛和而寒熱  
止矣外則和于榮衛內則調于清便先將此法爲之  
初治次後詳而論之見證消息同壞證傷寒爲之緩  
治或小便不利或大便秘結或積熱於腸胃之間或  
以成癯或散血氣而爲浮腫蓋產理多門故同傷寒  
壞證如發渴而白虎氣弱則黃耆血刺痛而用以當  
歸腹中痛而加之芍藥已上例證不犯三禁皆產後  
之久病也凡產後暴病禁犯不可拘也如產後熱入  
血室者桃仁承氣抵當湯之類是也胃堅燥者大承

氣不可以泄藥言之產後世人多用烏金四物是不  
知四時之寒熱不明血氣之虛與實盲然一槩用藥  
如此而愈加增劇是醫人誤之耳大抵產病天行從  
增損柴胡雜證從加添四物然春夏雖從柴胡秋冬  
約同四物藥性寒熱病證虛實不可不察也四物湯  
常病服餌四時各有增損今具增損于后

春倍川芎

一日春二日脉  
茲三日日頭痛

夏倍芍藥

一日夏二日脉  
洪三日泄秋

倍地黃

一日秋二日脉  
膏三日血虛

冬倍當歸

一日冬二日脉沉  
三日寒而不食

此常服順四時之氣而有對證不愈者謂失其輔也

春防風四物

加防風  
倍川芎

夏黃芩四物

加黃芩  
倍芍藥

秋天門冬

四物

加天門冬  
倍地黃

冬桂枝四物

加桂枝  
倍當歸

此四時常服隨

證用之也如血虛而腹痛微汗而惡風四物加茂桂

謂之腹痛六合如風虛眩暈加秦艽羌活謂之風六

合如氣虛弱起則無力匡然而倒加厚朴陳皮謂之

氣六合如發熱而煩不能安卧者加黃連梔子謂之

熱六合如虛寒脉微氣難布息不渴清便自調加乾

薑附子謂之寒六合如中濕身沉重無力身涼微汗

加白朮茯苓謂之濕六合此婦人常病及產後病通

用之藥也治婦人虛勞局方中謂之首尾六合者如

大聖散下熟乾地黃丸是治無熱虛勞專其養也中



道藥也狂丹煎丸空心食前人參荆芥散臨臥食後是

熱虛勞藥也

治婦人懷胎腹脹枳殼湯

枳殼

三兩炒

黃芩

一兩

右為麤末每服半兩水一盞半煎一盞去滓溫服

治產前脹滿身體沉重枳殼湯中加白朮一兩

治產前寒熱小柴胡湯中去半夏謂之黃龍湯

治懷孕胎漏二黃散

生地黃

熟地黃

各等分

右為細末加白朮枳殼湯調下一兩日二服

治有孕胎痛地黃當歸湯

當歸

一兩

熟地黃

二兩

右為麤末作一服水三升煎至升半去滓頓服

束胎丸

白朮

枳殼

去穰炒  
等分

右為末燒飯為丸如桐子大又月一日食前服三五十九丸溫熟水下胎瘦易生也服至產則已

產間藥

治胎衣不下或子死腹中或血衝上昏悶或血暴下及胞乾而不能產者宜服半夏湯

半夏麴二兩半桂七錢半

去皮大黃五錢

桃仁三十箇夫皮尖炒

右為細末先服四物湯三兩服次服半夏湯三錢

生薑三片水一盞煎去三分食後如未効次服下

胎丸

下胎丸

半夏生白斂各半兩

右為細末滴水為丸如桐子大食後用半夏湯下

三二丸續續加至五七丸如有未効者須廣大其

藥榆白皮散主之又不効大聖散主之有宿熱人

宜服人參荊芥散

產後藥

治產後經水適斷感于異證手足牽搐咬牙昏冒宜  
增損柴胡湯

柴胡

八錢

黃芩

四錢半

人參

三錢

半夏

三錢

石膏

四錢

知母

二錢

黃耆

五錢

甘草

四錢炙

右為麤末每服半兩生薑五片棗四箇水一盞半  
煎至一盞溫服清無時

前證已去次服秦芩湯去其風邪

秦芩

八錢

人參

三錢

防風

四錢半

芍藥

半兩

柴胡

八錢

黃芩

四錢半

半夏

三錢

甘草

四錢炙

右爲麤末每服五七錢水一盞煎至七分溫服清  
無時二三日經水復行前證退宜服荆芥散小柴  
胡小料中加荆穗五錢枳殼五錢麩炒去穢同小柴胡湯  
煎服三二日後宜正脾胃之氣兼除風邪宜服防風湯

蒼朮

四兩

防風

三兩

當歸

一兩半

羌活

一兩半

右爲粗末每服一二兩水三盞煎至一盞半取清  
續續常服無時

凡胎前之藥無犯胎氣產後變化並同傷寒壞證盡  
從加減四物湯調治

治產後腹大堅滿喘不能卧白聖散

樟柳根

三兩

大戟

二兩半

甘遂

一兩炒

右為極細末每服二三錢熱湯調下取大便宣利為度此藥主水氣之勝藥也

治產後風氣在表面目四支浮腫宜加減局方中七聖丸每服二十九白湯下日加三四丸以利為度如浮腫喘嗽加木香檳榔倍之謂氣多浮則腫如頭目昏冒加羌活川芎謂多風也如只浮腫依七聖丸本方服之

治產後日久虛勞雖日久而脉浮疾者宜服三元湯

柴胡

八錢

黃芩

人參

半夏

洗

甘草

炙已上各三錢

川芎

芍藥

熟地黄

當歸

各二錢半

右為麤末同小柴胡湯煎服

治日久勞虛微有寒熱脉沉而浮宜柴胡四物湯

川芎

熟地黄

當歸

芍藥

各一兩半

柴胡

八錢

人參

黃芩

甘草

半夏麴

已上各三錢

右為麤末同四物煎服

如日久虛勞鍼灸小藥俱不効者宜服三分散

白朮

茯苓

黃耆

川芎

芍藥

熟地黃

當歸各一兩

柴胡一兩六錢

黃芩六錢

人參一兩六錢

半夏六錢

甘草六錢

右為麤末每服一兩水一盞煎至半盞溫服清日

一服

治產後虛勞不能食宜十全散

白朮

茯苓

黃耆各二兩

人參

川芎

芍藥

熟地黃

當歸各一兩

桂一兩半

甘草一兩半灸

右剉如麻豆每服半兩水一盞半入生薑五片專

三枚同煎至七分空心食前溫服清



凡虛損病者淺深治有次第虛損論中詳論之

治產後諸風痿攣無力血風湯

秦艽 羌活 防風 白芷

川芎 芍藥 當歸 地黃

白朮 茯苓 各等分

右為細末一半煉蜜丸如桐子大一半散溫酒調下丸子五七十丸甚妙

治產後諸積不可攻當養陰去熱其病自退宜服芍

藥湯

芍藥 一斤 黃芩 茯苓 各六兩

右三味爲麤末每服半兩水煎日三服去滓溫服

治產後兒枕大痛黑白散

烏金石

燒紅醋七遍  
另爲細

寒水石

燒存  
性寒

右二味各等分另頓放臨服各抄末一錢半粥飲  
湯下痛止便不可服未止再服大効

治產後不煩而渴桃花散

新石灰

兩  
黃丹  
錢半

右細末渴時冷漿水調一錢服

治產後衝脹胸中有物狀是噎氣不降紫金丹

代赭石

礞石

各等

右爲細末醋糊爲丸如桐子大每服三五丸酒  
下膏中痛加當歸湯下久服治血癖

又方

代赭石

兩

桃仁

三錢炒  
去皮尖

大黃

五錢

右爲末薄荷水爲糊丸如桐子大每服三五丸  
溫水下無時

治臍腹痛不可忍四物湯一兩加玄胡三錢半

治血癖腹痛及血刺腰痛四物湯細末二兩加酒煮

玄胡細末三兩每服三錢酒調下

治血運血結血聚於胸中或偏于少腹或連于肋脇

四物湯四兩倍當歸川芎加鬼箭紅花玄胡各一兩  
同為末如四物湯煎服取清調沒藥散服之  
沒藥散

蝨虫

一錢去足羽炒

水蛭

一錢炒

麝香

一錢

沒藥

三錢

右為細末煎前藥調服血下痛止只服前藥

治產後頭痛血虛痰癖寒厥皆令頭痛加減四物湯

羌活

川芎

防風

香附子

炒

白芷

已上各二兩

石膏

二兩半

細辛

二錢

當歸

五錢

熟地黄

一兩

甘草

五錢

蒼朮

一兩六錢去皮

右為麤末每服一兩水煎服無時如有汗者是氣

弱頭痛也方中加芍藥三兩桂一兩半加生薑煎  
如痰癖頭疼加半夏三兩茯苓一兩半加生薑煎  
如熱厥頭痛又加白芷三兩石膏三兩知母一兩  
半寒厥頭痛加天麻三兩附子一兩半生薑煎  
治產後風虛血眩精神昏昧荆芥散

荆芥穗

一兩  
三錢

桃仁

五錢去  
皮大炒

右爲細末溫水調服三錢微喘加杏仁

去皮  
尖炒

甘草

妙  
各三錢

治產前證胎不動如重物下墜腹冷如冰立効散

川芎

當歸

各等  
分

右為麓末每服秤三錢水二盞煎至一盞去滓食

前服

治婦人胎漏及因事下血枳殼湯

枳殼

兩半

黃芩

兩半

白朮

兩一

右為麓末每服五七錢水一盞煎至七分食前空

心服

治婦人筋骨痛及頭痛脉弦增寒如瘡宜服風六合

湯 四物湯四兩加羌活防風各一兩

治婦人血氣上衝心腹肋下悶宜服治氣六合湯

四物四兩加木香檳榔各半兩

治婦人臍下冷腹痛腰脊痛宜服玄胡六合湯

四物內加玄胡苦練炒各一兩

治婦人氣充經脈月事頻併臍下痛宜芍藥六合湯

四物內倍加芍藥

治婦人經事欲行臍腹絞痛宜服八物湯

四物內加玄胡苦練各一兩檳榔木香各半兩

治婦人經水過多別無餘證

四物內加黃芩白朮各一兩

治婦人經水澁少

四物內加葵花煎

治婦人虛勞氣弱喘嗽胸滿宜氣六合湯

四物內加厚朴一兩製枳實半兩炒

已上煎法並同四物服之

四物主治法

孰地黃 補血如臍下痛非孰地黃不能除此通腎

經之藥也

川芎治風瀉肝木如血虛頭痛非芎不能除去此通

肝經之藥也

芍藥和血理脾治腹痛非芍藥不能除此通脾經之

藥也



當歸和血如血刺痛非當歸不能除加血氣之壯此通  
心經之藥也

以上四味治法如前一證於四物湯中各加二味羅  
之如少腹痛四物湯四兩加玄胡苦練各一兩經水  
暴多四物四兩加黃芩一兩如腹痛者只加黃連如  
夏月用不去黃芩經水如黑豆水加黃連黃芩各一  
兩如經水少而色血和者四物四兩加熟地黃當歸  
各一兩如經水適來適斷往來寒熱者先服小柴胡  
以去其寒熱後以四物湯調治之如寒熱不退勿服  
四物是謂變證表邪猶存不能効也依前論中變證

隨證用藥調治之

治婦人血積增損四物湯

四物內加廣茂京三稜桂乾漆皆依法製各加  
一兩如四物煎服

治婦人產後血昏血崩月事不調遠年乾血氣皆治  
之名曰紅花散

乾荷葉 牡丹皮 當歸 紅花

蒲黃炒

右各等分爲細末每服半兩酒煎和滓溫服如衣  
不下另末榆白皮煎湯調半兩立効

活婦人惡物不下

當歸炒

芫花炒

右細末酒調三錢又好墨醋碎末之小便酒調下

妙

又治胎衣不下蛇退皮

炒焦

細末二錢酒調下

諸見血無寒衄血下血吐血溺血皆屬于熱但血家證皆宜服此藥生地黃散

生地黃

熟地黃

枸杞子

地骨皮

天門冬

黃耆

芍藥

甘草

黃芩

右各等分同剉每服一兩水一盞半煎至一盞去滓溫服脉微身涼惡風每一兩加桂半錢吐血者多有此證

治衄血不止麥門冬飲子

麥門冬 生地黃

右等分剉每服一兩煎服又衄血先硃砂蛤粉次木香黃連大便結下之大黃芒硝甘草生地黃澹軟梔子黃芩黃連可選用

帶下論附

論曰赤者熱入小腸白者熱入大腸原其本也皆濕

結于脉故津液湧溢是爲赤白帶下本不病緣五  
少經虛結熱屈滯于帶故女子臍下痠痛而綿綿陰  
語中時下也故經曰任脉爲病男子內結七疝女子  
帶下瘕聚王注曰任脉自胞上過帶脉貫於臍上故  
男子內結七疝女子帶下帶脉起于季脇章門如束  
帶狀令濕熱寬結不散故爲病也經曰脾傳之腎病  
名曰瘕疝小腹寬熱而痛出白一名曰蠱所以爲帶  
下寬屈也寬結也屈滯而病熱不散先以十棗湯下  
之後服苦練丸大玄胡散調下之熱去濕除病自愈  
也如女子不月先瀉心火血自下也內經曰二陽之

病發心脾有不得隱曲故女子不月其傳爲風消至  
注曰大腸胃發病也心脾受之心主血心病則血不  
流脾主味脾病則味不化味不化則精不足精血不  
足故其證不能已虧則風邪勝而真氣愈消也又經  
曰月事不來者胞脉閉也胞脉屬于心而絡于胞中  
令氣上迫肺氣不得上通故月事不來先服降心火  
之劑後服局方中五補丸後以衛生湯治脾養血氣  
也

苦練丸治婦人赤白帶下

苦練

碎酒浸

茴香

炒

當歸

右等分爲細末酒糊丸如桐子大每服三五十丸  
空心酒下腰腿痛疼四物四兩加羌活防風各一  
兩

### 衛生湯

當歸

白芍藥

各二兩

黃耆

三兩

甘草

一兩

右爲麤末每服半兩水二盞煎至一盞去滓溫服  
空心如虛者加人參一兩

### 大頭論第三十

夫大頭病者是明陽邪熱太甚資實少陽相火而爲  
之也多在少陽或在陽明或傳太陽視其腫勢在何

部分隨經取之濕熱爲腫木盛爲痛此邪見于頭多在兩耳前後先出皆主其病也治之大不宜藥速速則過其病所謂上熱未除中寒腹生必傷人命此病是自外而之內者是血病况頭部分受邪見于無邪迹之部當先緩而後急先緩者謂邪氣在上着無形之分部既着無形無所不至若用重劑速下過其病難已雖用緩藥若急服之或食前或頓服皆失緩體則藥不能得除病當徐徐浸漬無形之邪也或藥性味形體擬象皆要不離緩體是也且後急者謂緩劑已瀉邪氣入于中是到陰部染于有形質之所若不



速去則損陰也此終治却爲客邪當急去之是治  
以急也且治主當緩者謂陽邪在上陰邪在下各  
家病也若急治之不能解紛而益亂也此故治主當  
緩治客以急者謂陽分受陰邪陰分受陽邪此客氣  
急除去之也假令少陽陽明爲病少陽爲邪出于耳  
之前後也陽明爲邪者首大腫是也先以黃芩黃連  
甘草湯通炒過剉煎少少不住服或劑畢再用大黃  
煨鼠粘子新瓦上炒香煎藥成去滓內芒硝俱各等  
分亦時時呷之無令飲食在前得微利及邪氣已只  
服前藥如不已再同前次第服之取大便利邪氣卽

止如陽明渴者加石膏如少陽渴者加瓜蒌根陽明  
行經升麻芍藥葛根甘草太陽行經羌活防風之類

雷頭風附

夫治雷頭者諸藥不効爲與證不相對也夫雷頭者  
震卦主之震仰盂故予製藥內加荷葉謂象其震之  
形其色又青乃迷類象形也當煎局方中升麻湯

升麻湯

兩一蒼朮

兩一荷葉一箇全者

右爲細末每服五錢水一盞煎七分溫服食後或  
燒全荷葉一箇研細調煎藥服亦妙

耳論附

論曰耳者蓋非一也以竅言之是水也以聲言之金也  
以經言之手足少陽俱會其中也有從內不能聽  
者主也有從外不能入者經也有若蟬鳴者有若鐘  
聲者有若火熇熇狀者各隨經見之其間虛實不可  
不察也假令耳聾者腎也何謂治肺肺主聲鼻塞者  
肺也何謂治心心主臭如推此法皆從受氣爲始腎  
受氣于巳心受氣于亥肝受氣于甲肺受氣于寅脾  
正四季此法皆長生之道也

小兒斑疹論第三十一

論曰斑疹之病其狀各異瘡發炊腫于外屬少陽三

焦相火謂之斑小紅屬行于皮膚之中不出者屬少  
陰君火也謂之疹凡顯斑證者若自吐瀉者慎勿治  
則多吉謂邪氣上下皆出也大凡瘡疹首尾皆不可  
下恐妄動而生變此謂少陽通表宜和之也當先安  
其裏以解毒次微發之安裏解毒者謂能安和五藏  
防風湯是也如大便不秘次微發之微發之藥錢氏  
方甚多宜選用之如大便過秘宜微利之當歸丸棗  
變百祥丸是也初知是斑疹若便發之令斑併出小  
兒難禁是使別生他證也首尾不可下者首曰上焦  
尾曰下焦若已吐利不可下也便宜安裏藥三五服

如能食大便秘者內實宜微踈利之若內虛而利者  
宜安裏藥三五服末後一服調微發之藥服之大抵  
用安裏之藥多發表之藥少秘則微踈之邪氣不併  
出能作番次使小兒易禁也身溫者順身涼者逆則  
宜服防風湯以和之

防風湯

防風

一兩

地骨皮

黃耆

芍藥

枳殼

荊芥穗

牛旁子

已上各半兩

右為細末溫水調下或為麤末煎服二三錢更妙  
治大便秘而內實能食宜當歸丸

當歸五錢

黃連二錢半

大黃二錢

甘草一錢

先將當歸熬作膏子入藥三味為丸漸次服十丸妙

治癰疹大便秘結棗變百焙丸

大戟去骨一兩

棗三箇去核

右二味用水一椀煎至水盡為度去大戟不用將

棗焙乾可和劑旋丸從少至多以利為度

五臟病各有所見證

熱則從心寒則從腎嗽而氣上則從肺風從肝瀉從脾假令瀉見嗽而氣上脾肺病也瀉白益黃散合而服之又宜黃芩厚朴湯白朮厚朴湯謂脾苦濕肺苦

燥氣則上逆也其證先瀉又兼面色黃腸鳴啾啾者是也如見渴熱多者當服厚朴湯不渴熱少者當服白木厚朴湯其他五臟若有兼證皆如此類然更詳後說四時經移用藥

假令春分前風寒也宜用地黃羌活防風或地黃丸及瀉青相間服之春分後風熱也宜用羌活防風黃芩或瀉青丸用導赤散下之立夏之後熱也用三黃丸導赤散夏至後濕熱也宜導赤瀉黃散合而服之或黃芩甘草白木茯苓之類爲勝濕之藥立秋後宜用益黃散瀉白散陳皮厚朴人參木香之類秋分後

用瀉白散立冬之後地黃凡主之謂腎不受瀉也大  
凡小兒斑疹已發有瘡有聲音者乃形病氣不病也  
無瘡無聲音者乃氣病形不病也有瘡而無聲音者  
是形氣俱病也後一證當清利肺氣八風湯或涼膈  
散大黃芒硝亦可或如聖湯加大黃或八味羌活湯  
加大黃此是春時發斑謂之曰風斑耳瘡疹者內經  
云痛痒瘡瘍皆屬心火斑子者是相君行命三焦真  
陽氣之所作也若氣入肺變膿胞入肝爲水胞自病  
爲斑心乃君火入于皮作癩疹爲肺主皮毛心不害  
肺金此乃君之德也未瘡而發搐而外感寒邪內發



心熱而發者用茶粉下解毒丸或犀角地黃湯主之  
已發便稠密形勢如針頭者當輕發其表涼其內連  
翹升麻湯主之若斑已發稠密甚而微喘飲水有熱  
證當以去風藥微下之若出不快清便自調知爲在  
表不在裏當微發之升麻葛根湯主之若有乾黑陷  
身不大熱大小便澁則知熱在內當煎大黃湯下宜  
風散身表大熱者表證未罷不可利大便若斑疹已  
出見小熱小便不利者當利小便已發後有餘毒不  
散爲復有身熱癰瘡之類當用解毒之藥

藥畧第三十二

針法附

羌活 治支節痛太陰經風藥也

防風 療風通用

甘草 和中調諸藥

肉桂 通氣助陽

桂枝 閉汗和表

麻黃 發太陽太陰經汗

桃仁 滋血破血

黃芩 瀉肝氣

雄黃 去風

白芷 治正陽明頭痛

知母 泄腎火助陰

石膏 瀉肺火是陽明大涼藥

半夏 去痰

柴胡 治少陽厥陰寒熱往來

芍藥 止脾痛安太陰

人參 補氣和中

瓜蒂 治濕在上頭吐藥

赤豆 利小便

杏仁 潤肺除燥

蒼朮 溫中去濕熱強胃

草烏頭 熱行經

南星 治風痰須用

大麻 治頭風

神麴 消食強胃

白朮 蒼朮同功

陳皮 益氣

枳實 治心下痞

枳殼 利胸中氣消痞

芩連 泄心火

白茯苓 止渴利小便本陰經藥

苦苧塵瀉肺火

桔梗治噤喉痛利肺氣

大黃世晉熱

厚朴治脹滿厚腸

黃耆止汗治諸氣虛不足

檳榔破氣不行

荊芥清利頭目

烏梅肉助脾收胃飲食

沉香益氣和神

肉豆蔻治大腸腸滑

附子補命及心火

朴硝寒賦去燥

梔子除煩利氣行小便

當歸補三陰血不足

川芎太陽頭痛

地黃補腎真陰不足臍下痛

草薢補腎不足

杜仲壯筋骨兩全

牛膝補筋益脾

菴蓉益陽道及命門火衰

沙苑蒺藜補腎水真陰

破故紙補命門不足

五味子補五臟氣不足

巴豆去濕之過藥

細辛少陰頭痛不足

升麻陽明經和解藥

蛇蛻去皮膚屑風燥

茴香利小便補腎去濕寒助陽

苦練子去小腹痛

廣茂去積聚

素問病機

卷下

四九

乾薑 益氣和中

生地黄 涼血

沒藥 除血痛和血之勝藥也

地榆 治下部有血

澤瀉 治少陰不渴而小便不利及膀胱中有留垢

形色性味体

*Handwritten notes:*  
木火土  
性味  
體  
乾薑 性溫 味辛 體燥  
生地黄 性寒 味甘 體潤  
地榆 性寒 味苦 體澀  
澤瀉 性寒 味甘 體滑

流注鍼法

心痛脉沉腎經原穴

弦肝經原穴

澁肺經原穴

輕枯虛薄緩淺假宜上厚  
重實潤深真急宜下其中  
平者宜中餘形色性味皆  
隨藏府所宜此處方用藥  
之大槩耳知者 用心則  
思過半矣

浮心經原穴 緩脾經原穴

腰痛 身之前足陽明原穴 衝陽 身之後足太陽原

穴 京骨 身之側足少陽原穴 丘墟

針之最要

兩脇痛針少陽經丘墟 心痛針少陰經太谿湧泉

及足厥陰原穴 腰痛不可忍針崑崙及刺委中出

血太陽喘滿痰實口中如膠針太谿穴 噦嘔無度

針手厥陰太陵穴 頭痛不可忍針足厥陰太陽經

原穴 熱無度不可止刺陷骨穴出血 骨熱不可

治前板齒乾燥當灸骨會大椎 小腸疝痛當刺足

厥陰肝經太衝穴 血不止鼻衄大小便皆血血崩  
當刺足太陰并隱白 喉閉刺少陽手足并刺少  
商及足太陰并 大煩熱晝夜不息刺十指間出血  
謂之八關大刺 目疾睛痛欲出亦大刺八關 百  
節疼痛實無所知三稜針刺絕骨出血  
眼大背痛刺手太陽并穴少澤

小背痛刺少陽并穴關衝

陰頭中痛不可忍者卒瀉也婦人陰中痛皆刺足厥  
陰并大敦穴

素問元氣五行稽考

瓊瑤子云天元一氣定侯伯之遷榮蓋論元氣也  
員曰木瘦金方火尖水肥土厚蓋論五行以元氣爲  
根富貴壽夭係之由有旺羸而壽考亦有壯盛而暴  
亡元氣固藏則旺羸而無害及其散慢則壯盛而愈  
危是以元氣爲根本五行爲枝葉夫元氣者允之位  
也元始之祖先天地生圓而無隙寂而不動感而遂  
通虛而生神乾體成焉乾爲天天一生水故一水二  
火三木四金五土五行形焉四方之民均受元氣一  
也及其生焉各類五行形體殊異是故西北之民金  
水象金方水肥人方正肥厚東南之人木火象木瘦

火尖人多瘦長尖小北人肥南人瘦理宜然也北人  
賦性沉厚體貌肥上長下短頭骨大腰骨小此本體  
也若光明磊落機見疾速腰背豐隆者氣氣固藏富  
貴壽考坎中藏真火升真水而爲雨露也南人賦性  
急暴體貌尖瘦下長上短頭骨偏腰骨軟此本體也  
若寬大度機謀詳緩腦額圓聳元氣固藏富貴壽考  
離中藏真水降真火而爲利氣也又有南人似北人  
北人似南人不富則貴以此推之要在察元氣觀五  
行分南北定壽夭則攻守有方調養有法不妄藥人  
也亦猶有刑漕總其權使執法者不私巡禁者申具



禁使出塗者不擾朝廷在於上明賞罰於百官施  
氣於萬民故君得以尊無爲而治天下和平災害不  
生君臣和於上百官和於朝萬民和於下庶物和於  
野馴而行之于萬年計也醫者明方術制法度以療  
民病養性之藥訪其漸也猶巡尉也治病之藥醕其  
毒猶守令也保命之藥濟其弱猶漕憲也延年之藥  
防其危猶朝廷也良工總其要明虛實於三部調和  
氣於百骸故心得以寧神得以清則四大和平疾患  
不生神氣和於上五藏和於中步履和於下脉絡和  
於體馴而行之不死之道也人之生也自幼而至壯

自壯而老血氣盛衰其各不同不可一槩治之六歲至十六歲者和氣如春日漸滋長內無思想之患外無愛慕之勞血氣未成不勝寒暑和之違也膚腠疎薄易無感冒和之傷也父母愛之食飲過傷其治之道節飲食適寒暑宜防微杜漸行巡尉之法用養性之藥以全其真二十歲至五十歲和氣如夏精神鼎盛內有思想之患外有愛慕之勞血氣方剛不畏寒暑和之違也勞傷筋骨冒犯入邪和之傷也以滴爲漿醉以入房其治之之道辯入邪入勞佚行守令之法宜治病之藥當馘其毒以全其真五十歲至七

十歲者和氣如秋精耗血衰血氣凝泣思慮無窮形  
體傷憊和之違也百骸踈漏風邪易乘和之傷也風  
雨晦明飲食遲進其治之之道順神養精調腑和臟  
行憲漕之權施賑濟之法守令內恤巡尉外護宜保  
命之藥以全其真七十歲至百歲者和氣如冬五臟  
空洞猶蛻之蟬精神浮蕩筋骨沮弛和之違也觸物  
易傷衣飲厚薄和之傷也大寒振慄大暑煎燔其治  
之之道餐精華處奧庭行相傳之道燮理陰陽周流  
和氣宜延年之藥以全其真夫如是則調御中節治  
療得陰陽協和榮衛流暢凡厥有生同躋壽域矣乎

諸吐方法三十四

仲景云傷寒三四日邪氣未傳於裏其邪氣在上用瓜蒂散吐而差豈可俟其汗又云傷寒六七日胸中微痞不欲言懊懣昏眩無下證仲景用梔子豉湯吐之立可又忽然中風不知人事亦不須汗喉中呶呶之聲用稀涎散吐之亦可又有小兒驚風潮搐手足掣縮用驗命散吐之又云風頭痛經云若不吐涎又則瞽目而不治用瓜蒂散吐之三吐而差又暴嗽風涎上壅咽噎不利用茶調散吐之又陽癇久不愈未成痴癎用導涎散吐之

又陰癰用二聖散吐之

又膏梁之人食物多食生膾胸中不下化蟲伏於  
中胸膈不快噎食不下用藜蘆散吐之

又久病患脇痛諸藥莫能治用獨聖散加蜆稍半錢  
吐之

諸癰不時發作不知人事用半生半熟湯吐之

暗風病久不差發過如故用鬱金散吐之

痰癰久不差發寒熱無時用常山散吐之

蛟龍瘕痛腹脹如蟲用毬糖散吐之

人初患傷食或用冷身腹悶亂身熱見食則嘔用赤

小豆散吐

婦人筋攣骨痛用神應散吐之

或曰筋病吐之何爲荅曰木鬱達之所謂達者令其  
條達也或又有打撲墜墮先吐之用金花散後下之  
用承氣湯蓋承者順也

偏枯證半身不遂是也用追風散吐之瀕風後有自  
疾眼有半明可救之用防風湯吐之

小兒上喘朝熱先用蔚金散吐之後用鎮庭散下之  
立効

治顛狂病久不已用三聖散吐之後大下之

諸風掉搖強直不知人事便可懸豆膏涎出立効  
胸膈滿悶皆痛或臂痛可先用祛風湯吐之後服  
藥散厲風或瘡瘍惡瘡便用二聖散吐之後服苦寒

丸

諸厥氣厥中風不省人事便用神聖散膏鼻內灌之  
吐出涎立効

破傷風牙關緊急角弓反張便與神聖散吐之後  
之下之効三法俱用之

又有人患蛟龍瘕痛久不愈欲死用毬糖膏吐之吐  
出其物形如蜥蜴長七八寸立可

吐法者上古高醫用之今庸下之流止看諸方不知  
治法不識病源卽不行聖人之法去聖遠矣可不恐  
歟

治黃腫詩曰

白酒煎飛麩 青礬百草霜 依方炮製作 消却

幾多黃

綠礬 四兩 五倍子 百草霜 一兩 木香 二錢

右爲細末用酒煎飛麩爲丸如梧桐子大每  
服五丸空心酒下二三服

又方平胃散四兩青礬二兩醋糊爲丸米飲下



又方平胃散烏沉湯四兩青礬二兩酒糊為丸  
又方好川當歸四兩用浮子酒浸七日青礬四  
兩製煨赤色成朱子為細末百草霜三兩同研  
細用當歸酒同研細為丸如梧桐子大每服五  
丸至七丸服後一月黃去立効此方祖傳七世  
治諸氣腫茯苓散

芫花

醋拌炒

澤瀉

郁李仁

甜亭力

漢防已

藁本

各二錢半

陳皮

去白

白茯苓

白檳榔

瞿麥

各半兩

滑石

大戟

各七錢半

右為細末每服一錢濃煎雙白皮湯空心調下

取下碧綠水如烟羊脂卽効如未盡隔日又服  
腫消不服忌食鹽一百日

治癰瘡方爛至胸前兩腋下有塊如茄子大或  
牽至兩肩上四五年不能痊者並皆治之其驗  
如神常州府武進縣朱守仁傳其項不能回頭  
數日減可減可始看瘡爛破胸前者用荆芥根  
下段鏽碎煎沸待溫洗瘡良久看瘡爛破處紫  
黑用鍼刺一一出血再洗三四次洗

右真芝蔴油將章腦

雄黃爲細末用油調雞

翎掃瘡上以出水下次日再洗仍用前藥掃三

日又用葦菜地上蚯蚓糞五更早晨收作員  
 口大用炭火上燒燬紅取出淨碾爲末每一  
 添乳香沒藥輕粉各半錢少些穿二甲九片燬  
 紅色爲末令用芝麻油調敷患處其妙如神  
 千金漏蘆湯加心檳榔

點眼神効紫金膏

輕粉

雄黃

銅青

川芎

龍腦

射香

黃連

青鹽

海螵蛸

當歸

硃砂

乳香

血竭

已上淨  
五分

硃砂

明砂

各三錢

沒藥 一錢 爐干石 二兩 童便製七次

黃丹 二兩 白丁香 二分

先將十九味乳製極細無聲

白砂密一斤先將黃連末熬後下爐干石

黃丹前日用槐枝攪不攪手煎如紫色用

磁器盛用油紙七片封口窖土內去火七

日方用神効

濟世良方 氣宜保命集卷下